

Jondi pepa mindan youkuk Yodakale Mede

Pepa yon adi kayonbop nin'walañ me talitimen wapumdi kayonbop nin'walañ me talitimen wou Gaiyusdok youliminguk. Tiña unduñ Gaiyusdi kayonbop noli maan yehitubulodaluguk, wendoktiña wou nintiloguk. Tiña undugon me nin wou Daiyotelefi fiyen doktiña nadinadinila hatidok ninguk.

Yodakale en welemomoon mede

¹ Nu kayonbop diniñ me talitimen timeniñdi notne Gaiyus, dutok pepa i youkamulat. Nu mede biyagon welene gineñ hatak wondoktiña du gabukahile hinek tilat.

² Me notne, welegedi momoon hinek hatak, undugon hinek sigige folon yagit folofigitanit mokit kadem hinek hatiluwaan dok ninadilat.

³ Du mede biyagon foloon hinek u kadem kamehatiña takalilañ, kañ me notne nolidi buña wondok kahat tinambune nadiña nadifo lolonit tilat.

⁴ Wapmihineyedi mede biyagon u takaliñ, mede u nadiña nadifo lolonit hinek tilat.

Gaiyus adi kwanai momoon tuguk

⁵ Me notne, du mede biyagon u didimenon takaliña kwanai momoon tiña me notniye nadisukilitihinit menot tiyemilañ. Titin u

me kweetniñhi mu nadiyemilañ aditok maan tiyemilañ, u kedem hinek tilañ.

⁶ Me heki wondi kayoñbop hogohogok naman-dahik foloñ du'walañ siloñgedok yohautañ. Ala talihik gineañ kotigoñ ulune yabuña nemek beña uuñdok neeñ yehitubu-lodañ yembune beña uneeñ. U Bepañ ne dedin yehitubu-lodadok nadilak wondok tuwoť.

⁷ Adi Jesu'walañ kwanai tine nadiña woon kwanai u tiin, ingoñ metam nadisukilitihinit mokit'walañkade nemek nemu bein.

⁸ Indi me undihi yehitubu-loda titiñdok. Talik unduñ foloñ indi Bepañ'walañ mede biyagoñ dinin kwanai u kikasop tiña tubufafañeyam tilak.

Daiyotelefi adi titiñ hogoli tuguk

⁹ Nu kayoñbop wanakañdok mede-kabe noli agañ youla kameyembe uguk. Ingoñ Daiyotelefi adi talitimen hatiyemdok yolak, doktiña indi'walañ medenik mu nadilak.

¹⁰ Unduñ doktiña nu hidi'walañkade baat nai uñaniñ adi'walañ titiññin dinin mebi u yohautawaat. Adi inditok yalañ nininila mede kadakahi mebimebi ninilak. Tiña u hogok moñ. Adi metam nadisukilitihinit noli bulune yolineañ yeniyehimane mu tilak, ingoñ metam nolidi yohineañ yeniyehimaneune moñ kameheyemiña kayoñbop gineañ mu hatidok yeniyehikelektu tilak.

Demitiliya adi titiñ momoon tuguk

¹¹ Me notne momoon, du me nolidi titiñ hogohi tubune u mu yehikeleañ tuluwaan, titiñ momohi tubune u yadi kedem yehikeleañ tuluwaan.

Me nediyenđi titiņ momooņ tihatilak adi yadi Bepaņ'walaaniņ me, eņ me nediyen titiņ hogoli tihatilak adi yadi Bepaņ mu kaguk yodok.

¹² Demitiliya'walaņ mebiņiņ momooņ adi me hogohogokdi wanakaņ yohautaiņ. Kaņ Bepaņ'walaņ mede biyagoņ wendi maañ mebiņiņ yotubudakalelak. Kaņ indi maañ undugoņ medeņiņ kasop timiyam. Tiņa mede biyagoņ yoyam u agaņ nadilaņ.

Yodapmaņ mede

¹³ Mede youtdok noli maañ fe-ku hakiin, ingoņ pepa gineņ youtdok adi mu nadilat.

¹⁴ Nu nai muniniņ agaņ du gabe baat binek, buņa gabuņa kikakika tiņa yodemeet.

¹⁵ Welege kulemaņgoņ halek. Metam nokeye inoņ hakiin adi youtumba mede kamegamiin, ale dubo me notniye molomolom youtumba medene yenimbeņ.

**Bepan'Walaŋ Folofolok Kobuli
Genesis, Exodus, Psalms, and the New Testament in
the Numanggang Language of Papua New Guinea
Sampela hap Buk Baibel long tokples Numanggang**

copyright © 2005 Wycliffe Bible Translators, Inc.

Language: Numanŋaŋ (Numanggang)

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2016-08-30

PDF generated using Haiola and XeLaTeX on 18 Apr 2025 from source files dated 31 Aug 2023

217908e9-ce08-5ac3-9947-124c48579a74